



Број/Број: 03/10-50-19-134-1/15
Сарајево/Sarajevo, 14.01.2015.

Истраживање број: 188
Врста истраживања: **КОМП** - компаративни преглед

**PREGLED ODREDBI PRIJEDLOGA ZAKONA O IZMJENAMA I DOPUNAMA
ZAKONA O PLAĆAMA I DRUGIM NAKNADAMA U
SUDSKIM I TUŽITELJSKIM INSTITUCIJAMA NA NIVOU BOSNE I HERCEGOVINE
KOJIMA SE MIJENJAJU NAKNADE SUDIJA I TUŽITELJA**

Припремиле:
Сена Бајрактаревић
Аида Османовић

Дескриптор: *pravosuđe*

Истраживање је намењено посланицима и делегатима, који могу поставити додатна питања, сугестије и коментаре на емаил адресу: istrazivacki.sektor@parlament.ba.

Јавност Босне и Херцеговине може коментирати радове, али Истраживачки сектор нема могућност да одговара на коментаре и дискутира о истраживању.

Информације наведене у садржају истраживања важеће су у тренутку припреме истраживања и оне се не ажурирају након објаве истраживања.

Истраживање не одражава званичан став Парламентарне скупштине Босне и Херцеговине (PSBiH).

PREGLED ODREDBI PRIJEDLOGA ZAKONA O IZMJENAMA I DOPUNAMA ZAKONA O PLAĆAMA I DRUGIM NAKNADAMA U SUDSKIM I TUŽITELJSKIM INSTITUCIJAMA NA NIVOU BOSNE I HERCEGOVINE KOJIMA SE MIJENJAJU NAKNADE SUDIJA I TUŽITELJA

Uvod

Vijeće ministara Bosne i Hercegovine je utvrdilo *Prijedlog zakona o izmjenama i dopunama Zakona o plaćama i drugim naknadama u sudskim i tužiteljskim institucijama na nivou Bosne i Hercegovine* kako bi se njegovim usvajanjem provele odluke Ustavnog suda Bosne i Hercegovine iz 2008., 2013. i 2014. godine i ukinula diskriminacija sudija i tužilaca i određenih kategorija stručnog osoblja u pravosudnim institucijama na nivou BiH, u pogledu određenih naknada koje oni nemaju, za razliku od izabраних званиčnika, državnih službenika, namještenika i ostalih zaposlenih u zakonodavnoj i izvršnoj vlasti na nivou BiH, kojima je pitanje ovih naknada regulisano *Zakonom o plaćama i naknadama u institucijama BiH*.

Dosadašnja procedura provedena u vezi s *Prijedlogom zakona u Predstavničkom domu PS BiH*

Prijedlog zakona o izmjenama i dopunama Zakona o plaćama i drugim naknadama u sudskim i tužiteljskim institucijama na nivou Bosne i Hercegovine utvrdilo je Vijeće ministara Bosne i Hercegovine 08.07.2014. godine. *Prijedlog* je stigao u Parlamentarnu skupštinu Bosne i Hercegovine (PS BiH) na razmatranje po redovnoj zakonodavnoj proceduri 22.07.2014. godine.

Predstavnički dom (saziv 2010. – 2014.) je na 72. sjednici, 04.09.2014., razmatrao ovaj *Prijedlog zakona* u prvom čitanju, ali ga nije usvojio jer prilikom glasanja nije postojala entitetska većina.¹ Nakon toga, Kolegij Predstavničkog doma, radeći kao Komisija, nastojao je postići saglasnost o ovom *Prijedlogu zakona*, ali bez uspjeha.

Kolegij je o ovome načinio Izvještaj² i uputio ga Predstavničkom domu PS BiH u skladu s članom 80. stav(3) Poslovnika Predstavničkog doma PS BiH. Na posljednjoj, 73. sjednici Predstavničkog doma PS BiH pomenutog saziva, 25.09.2014., članovi Kolegija su obavijestili zastupnike o Izvještaju, a prisutni zastupnici su, glasanjem u drugom krugu o *Prijedlogu zakona* u prvom čitanju, prihvatili *Prijedlog zakona*.

Drugo čitanje ovog *Prijedloga zakona o izmjenama i dopunama Zakona o plaćama i drugim naknadama u sudskim i tužiteljskim institucijama na nivou BiH* predviđeno je za predstojeću 3. sjednicu Predstavničkog doma PS BiH (saziv 2014. – 2018.), koja će se održati 15.01.2015. godine.

Razlozi za donošenje *Prijedloga zakona*

Vijeće ministara BiH u svom obrazloženju³ *Prijedloga zakona* navodi da važećim *Zakonom o*

¹ Neautorizirani transkript 72. sjednice Predstavničkog doma PS BiH održane 04.09.2014. godine, internetska stranica PSBiH: https://www.parlament.ba/sadrzaj/plenarne_sjednice/predstavnicki_dom/default.aspx?wsrid=35&wsid=985&langTag=bs-BA&pril=b

² Izvještaj o nastojanju za postizanje saglasnosti o *Prijedlogu Zakona o izmjenama i dopunama Zakona o plaćama i drugim naknadama u sudskim i tužiteljskim institucijama na nivou Bosne i Hercegovine* - internetska stranica PSBiH: https://www.parlament.ba/sadrzaj/plenarne_sjednice/predstavnicki_dom/default.aspx?wsrid=35&wsid=997&langTag=bs-BA&pril=b

³ Obrazloženje *Prijedloga zakona*, internetska stranica PSBiH: https://www.parlament.ba/sadrzaj/plenarne_sjednice/predstavnicki_dom/default.aspx?wsrid=35&wsid=1037&langTag=bs-BA&pril=b

plaćama i drugim naknadama u sudskim i tužilačim institucijama na nivou Bosne i Hercegovine iz 2005. godine nisu predviđene naknade na ime troškova prijevoza na posao i prijevoza sa posla, toplog obroka i odvojenog života. Zbog toga je Ustavni sud Bosne i Hercegovine, na osnovu tužbi sudija Suda BiH, donio dvije Odluke o dopustivosti i meritumu, i to:

- *Odluku o dopustivosti i meritumu broj U-7/12 od 30.01.2013.* godine, kojom se utvrđuje da ovaj Zakon nije u skladu sa članom I/2 Ustava BiH, jer ne sadrži odredbe u pogledu **naknade troškova za ishranu** u toku rada, **naknade troškova prijevoza na posao i prijevoza s posla** i **naknade za odvojeni život**.
- *Odluku o dopustivosti i meritumu broj U-29/13 od 28.03.2014.* godine, kojom se utvrđuje da ovaj Zakon nije u skladu sa članom I/2 Ustava BiH, jer ne sadrži odredbe u pogledu **naknade troškova smještaja** u toku rada.

Ustavni sud Bosne i Hercegovine je u svojim odlukama naveo da sudije i tužioci i određene kategorije stručnog osoblja u pravosudnim institucijama na nivou BiH nemaju istovjetne naknade kao izabrani zvaničnici, državni službenici, namještenici i ostali zaposleni u zakonodavnoj i izvršnoj vlasti na nivou BiH, kojima je pitanje ovih naknada u institucijama BiH regulisano *Zakonom o plaćama i naknadama u institucijama na nivou BiH*. Prema Ustavnom sudu BiH, ovo predstavlja diskriminaciju sudija, tužilaca i određenih kategorija stručnog osoblja u pravosudnim institucijama na nivou BiH u odnosu na druge zaposlene na državnom nivou u zakonodavnoj i izvršnoj vlasti. Kako se dalje navodi u Obrazloženju, uvođenjem ovih naknada, osim ukidanja ove diskriminacije, podržaće se i nezavisnost pravosuđa kroz stimulaciju sudija za apliciranje na pozicije izvan mjesta svog prebivališta, čime će se postići odgovarajuća nacionalna zastupljenost, efikasnije popunjavanje sistematizacije i imenovanje kvalitetnih kadrova.

Kako bi se provele odluke Ustavnog suda BiH i ukinula utvrđena diskriminacija, Vijeće ministara je utvrdilo *Prijedlog zakona o izmjenama i dopunama Zakona o plaćama i drugim naknadama u sudskim i tužilačkim institucijama na nivou Bosne i Hercegovine*.

Pregled odredbi koje se mijenjaju *Prijedlogom zakona*

Prijedlogom zakona o izmjenama i dopunama Zakona o plaćama i drugim naknadama u sudskim i tužilačkim institucijama na nivou Bosne i Hercegovine, između ostalog, mijenjaju se, odnosno uvode se određene naknade za sudije, tužioce i određene kategorije stručnog osoblja. To su: naknada za godišnji odmor, naknada za troškove smještaja i odvojeni život, naknada za ishranu u toku rada i naknada za troškove prijevoza na posao i prijevoz s posla.

- ✓ Naknada za godišnji odmor – u važećem *Zakonu o plaćama i drugim naknadama u sudskim i tužilačkim institucijama na nivou BiH* naknada za godišnji odmor za sve sudije i tužioce iznosi 50% osnovne mjesečne plaće iz tačke a) člana 2 (4.200KM - osnovna plaća za sudije Ustavnog suda BiH- čl. 2 a)) ovog Zakona. S obzirom da je Odlukom Ustavnog suda BiH navedeni član 2. ovog zakona ukinut 2008. godine,⁴ ovaj stav se sadašnjim *Prijedlogom zakona* mijenja i predviđa da sudije imaju naknadu za godišnji odmor u iznosu od 50% od svoje osnovne mjesečne plaće.

⁴ Odluka Ustavnog suda o dopustivosti i meritumu U 6/06

- ✓ Naknada za troškove smještaja i odvojeni život - prema važećem *Zakonu*, sudije imaju pravo na naknadu troškova u skladu sa odredbama koje donese Visoko sudsko i tužiteljsko vijeće u saradnji sa Ministarstvom pravde BiH. *Prijedlogom zakona* predviđa se da sudije i tužioci imaju pravo na troškove smještaja i naknadu za odvojeni život u skladu s podzakonskim aktom koji donosi Vijeće ministara Bosne i Hercegovine, s tim da predsjednik suda i glavni tužilac imaju pravo na troškove smještaja u visini propisanoj za rukovodioca institucije Bosne i Hercegovine, a sudije i tužioci u visini propisanoj za ostale rukovodeće državne službenike, u skladu s odredbama *Zakona o plaćama i naknadama u institucijama na nivou Bosne i Hercegovine*.
- ✓ Naknada za ishranu u toku rada i naknada za troškove prijevoza na posao i prijevoz s posla - sudije, tužioci i stručno osoblje pravosudnih institucija na nivou BiH, prema važećem *Zakonu*, nemaju pravo na ove vrste naknada. *Prijedlogom zakona* uvodi se pravo na ove dvije vrste naknada u skladu sa relevantnim odredbama *Zakona o plaćama i naknadama u institucijama na nivou Bosne i Hercegovine*.

Predviđeno je da se visina, način i postupak ostvarivanja svih ovih prava utvrđuje i vrši u skladu s podzakonskim aktima donesenim na osnovu *Zakona o plaćama i naknadama u institucijama na nivou Bosne i Hercegovine*.

Pregled naknada koje se mijenjaju, odnosno uvode *Prijedlogom zakona*

Sljedeći tabelarni pregled sadrži odredbe o navedenim naknadama koje su propisane:

- važećim *Zakonom o plaćama i drugim naknadama u sudskim i tužiteljskim institucijama na nivou Bosne i Hercegovine*,
- *Prijedlogom zakona o izmjenama i dopunama Zakona o plaćama i drugim naknadama u sudskim i tužiteljskim institucijama na nivou Bosne i Hercegovine*,
- *Zakonom o plaćama i drugim naknadama u institucijama na nivou Bosne i Hercegovine*, sa čijim odredbama se usklađivao ovaj *Prijedlog zakona*.

UPOREDNI PRIKAZ ODREDBI ZAKONA KOJE SE ODOSE NA NAVEDENE NAKNADE

Zakon o plaćama i drugim naknadama u institucijama Bosne i Hercegovine

(„Službeni glasnik BiH”, br. 50/08, 35/09, 75/09, 32/12, 42/12, 50/12, 32/13 i 87/13)

Zakon o plaćama i drugim naknadama u sudskim i tužiteljskim institucijama na nivou Bosne i Hercegovine

(„Službeni glasnik BiH”, br. 90/05 i 32/07)

Prijedlog zakona o izmjenama i dopunama Zakona o plaćama i drugim naknadama u sudskim i tužiteljskim institucijama na nivou Bosne i Hercegovine

(juli 2014, odredbe o naknadama koje se mijenjaju Prijedlogom zakona)

Naknada za godišnji odmor

Član 31. Naknada za godišnji odmor i plaćeno odsustvo

Zaposleni u institucijama BiH ima pravo na naknadu za vrijeme godišnjeg odmora i plaćenog odsustva u visini svoje neto plate iz prethodnog mjeseca, izuzimajući nagrade.

Član 33. Regres⁵ za godišnji odmor

(1) Zaposlenom u instituciji Bosne i Hercegovine pripada pravo na regres za godišnji odmor, s tim da **visina regresa može iznositi maksimalno do visine utvrđene osnovice za obračun plaća u tekućoj fiskalnoj godini.**
(2) Visinu regresa za godišnji odmor iz stava (1) ovog člana utvrđuje Vijeće ministara Bosne i Hercegovine podzakonskim aktom⁶, koji se donosi do 30. juna tekuće godine za narednu godinu.

Član 8. Plaćeni godišnji odmor i odsustvo za zadovoljavanje vjerskih potreba

1. Sudije i tužioci imaju pravo na plaćeni godišnji odmor u trajanju od 30 radnih dana.
2. Pored prava na godišnji odmor definisanog u stavu 1. ovog člana, sudije i tužioci imaju pravo na dva plaćena i dva neplaćena dana odmora godišnje za zadovoljenje vjerskih potreba.
3. Svi sudije i tužioci imaju pravo na neto naknadu za godišnji odmor u iznosu od 50% **osnovne mjesečne plaće iz tačke a) člana 2⁷ ovog Zakona.**
4. Neto naknada za godišnji odmor iz stava 3. ovog člana plaća se kao dodatak na redovnu plaću u julu svake godine, bez obzira na to kada se uzima godišnji odmor.
5. Plaćeni godišnji odmor za svakog sudiju i tužioca bit će regulisan planom godišnjih odmora kojeg će odrediti predsjednik suda ili glavni

Član 8. Plaćeni godišnji odmor i odsustvo za zadovoljavanje vjerskih potreba

3. Svi sudije i tužioci imaju pravo na neto naknadu za godišnji odmor u iznosu od 50% **svoje osnovne mjesečne plaće utvrđene u čl. 3.⁸ i 4.⁹ ovog Zakona**

⁵ U ovom Zakonu se koristi naziv “regres za godišnji odmor”, a u Zakonu o plaćama i drugim naknadama u sudskim i tužiteljskim institucijama se koristi naziv “naknada za godišnji odmor”.

⁶ Odluka Vijeća ministara BiH o visini regresa za godišnji odmor u institucijama Bosne i Hercegovine za 2015. godinu (“Službeni glasnik BiH”, br. 81/14).

Član 2. Visina regresa za godišnji odmor - Zaposlenim u institucijama Bosne i Hercegovine sa koeficijentom do 4,00 utvrđuje se pravo na regres za godišnji odmor za 2015. godinu u visini od 300,00 KM, a zaposlenim u institucijama Bosne i Hercegovine sa koeficijentom preko 4,00 u visini od 1,00 KM.

⁷ Član 2. Zakona o plaćama i drugim naknadama u sudskim i tužiteljskim institucijama na nivou BiH (“Službeni glasnik BiH”, br. 90/05 i 32/07):

Osnovna mjesečna plaća sudija iznosi: a) Za sudije Ustavnog suda Bosne i Hercegovine: 4.200 KM, b) Za predsjednika Ustavnog suda Bosne i Hercegovine: 4.800 KM. **Ovaj član Zakona je ukinut Odlukom Ustavnog suda BiH o dopustivosti i meritumu br. U-6/06 od 29.03.2008.**

⁸ Član 3. Zakona o plaćama i drugim naknadama u sudskim i tužiteljskim institucijama na nivou BiH (“Službeni glasnik BiH”, br. 90/05 i 32/07).

Osnovna mjesečna plaća sudija iznosi: a) Za sudije Suda Bosne i Hercegovine: 3.800 KM, b) Za šefove odjeljenja Suda Bosne i Hercegovine: 4.000 KM, c) Za predsjednike Suda Bosne i Hercegovine: 4.400 KM.

⁹ Član 4. Zakon o plaćama i drugim naknadama u sudskim i tužiteljskim institucijama na nivou BiH (“Službeni glasnik BiH”, br. 90/05 i 32/07).

Osnovna mjesečna plaća tužilaca iznosi: a) Za tužioce Tužilaštva Bosne i Hercegovine: 3.800 KM, b) Za šefove odsjeka Tužilaštva Bosne i Hercegovine: 4.000 KM, c) Za glavnog tužioca Tužilaštva Bosne i Hercegovine: 4.400 KM.

(3) Isplata regresa za godišnji odmor vrši se na temelju pojedinačnih rješenja o korištenju godišnjeg odmora u institucijama Bosne i Hercegovine.

tužilac na godišnjoj bazi u skladu sa propisima o unutrašnjem poslovanju Ustavnog suda Bosne i Hercegovine, Suda Bosne i Hercegovine odnosno Tužilaštva Bosne i Hercegovine.

**Naknada
za
troškove
smještaja
i odvojeni
život**

Član 37. Pravo na troškove smještaja, naknada za odvojeni život i naknada za privremeno raspoređivanje

(1) Naknada za odvojeni život, naknada za privremeno raspoređivanje, te utvrđivanje prava na troškove smještaja **uređuje se posebnim podzakonskim aktom, koji donosi Vijeće ministara** na prijedlog Ministarstva financija i trezora Bosne i Hercegovine.¹⁰

(2) **Visina pojedinačne naknade** za odvojeni život, naknade za smještaj i naknade za privremeno raspoređivanje **može iznositi maksimalno do visine osnovice za obračun plaća** utvrđene u skladu sa članom 7.¹¹ ovog Zakona.

Član 16. Naknada za upućivanje u drugi sud sa ili bez pristanka sudije

U slučaju upućivanja sudije da vrši dužnost sudije u drugom sudu u skladu sa članom 50. ili 51. Zakona o visokom sudskom i tužiteljskom vijeću, **taj sudija ima pravo na naknadu za troškove u skladu sa odredbama koje donese Visoko sudsko i tužiteljsko vijeće u saradnji sa Ministarstvom pravde Bosne i Hercegovine.**

Član 16.a Troškovi smještaja i naknada za odvojeni život

1. Sudije i tužioci imaju **pravo na troškove smještaja i naknadu za odvojeni život u skladu s podzakonskim aktom koji donosi Vijeće ministara Bosne i Hercegovine**, shodno odredbama Zakona o plaćama i naknadama u institucijama Bosne i Hercegovine („Službeni glasnik BiH“, br. 50/08, 35/09, 75/09, 32/12, 42/12 i 50/12 32/13 i 87/13).

2. **Predsjednik Suda i glavni tužilac** imaju pravo na troškove smještaja u visini propisanoj podzakonskim aktom iz stava 1. ovog člana **za rukovodioca institucija Bosne i Hercegovine, a sudije i tužioci u visini predviđenoj za ostale rukovodeće državne službenike.**

¹⁰ **Odluka Vijeća ministara BiH o načinu i postupku ostvarivanja prava zaposlenih u institucijama BiH na troškove smještaja, naknadu za odvojeni život i naknadu za privremeno raspoređivanje** („Službeni glasnik BiH“ br. 42/12).

Član 13. Naknada troškova smještaja- Rukovodilac, zamjenik rukovodioca i pomoćnik rukovodioca institucije Bosne i Hercegovine, savjetnik funkcionera, sekretar, glavni inspektor, na koga se ne primjenjuju odredbe Zakona o državnoj službi u institucijama Bosne i Hercegovine ("Službeni glasnik BiH", br. 19/02, 35/03, 4/04, 17/04, 26/04, 37/04, 48/05, 2/06, 32/07 i 43/09), te rukovodeći državni službenik, ima pravo na mjesečnu naknadu troškova smještaja pod uslovom da mu je mjesto prebivališta udaljeno od mjesta rada više od 80 km, i to:

- a) rukovodilac, zamjenik rukovodioca institucije Bosne i Hercegovine na koga se ne primjenjuju odredbe Zakona o državnoj službi u institucijama Bosne i Hercegovine, ima pravo na mjesečnu naknadu troškova smještaja u iznosu do osnovice za obračun plate utvrđene u skladu sa članom 7. stav (1) Zakona o plaćama i naknadama u institucijama Bosne i Hercegovine,
- b) savjetnik funkcionera, sekretar, glavni inspektor i pomoćnik rukovodioca na koga se ne primjenjuju odredbe Zakona o državnoj službi u institucijama Bosne i Hercegovine ima pravo na mjesečnu naknadu troškova smještaja u iznosu do 400,00 KM,
- c) sekretar na posebnom zadatku ima pravo na mjesečnu naknadu troškova smještaja u iznosu do osnovice za obračun plate utvrđene u skladu sa članom 7. stav (1) Zakona o plaćama i naknadama u institucijama Bosne i Hercegovine.
- d) ostali rukovodeći državni službenici imaju pravo na mjesečnu naknadu troškova smještaja u iznosu do 400,00 KM.

Član 14. Naknada za odvojeni život- Zaposleni u instituciji Bosne i Hercegovine naveden u članu 13. ove Odluke ima pravo na mjesečnu naknadu za odvojeni život u iznosu od 300,00 KM, pod uslovom da mu je mjesto prebivališta udaljeno od mjesta rada više od 80 km.

¹¹ **Član 7. Zakona o plaćama i drugim naknadama u institucijama BiH** („Službeni glasnik BiH“, br. 50/08, 35/09, 75/09, 32/12, 42/12, 50/12,32/13 i 87/13)

(1) Osnovicu za obračun plaće utvrđuje Vijeće ministara Bosne i Hercegovine podzakonskim aktom, s tim da ona ne može biti manja od 50% prosječne mjesečne neto plaće u Bosni i Hercegovini iskazane na godišnjem nivou za kalendarsku godinu koja dvije fiskalne godine prethodi godini u kojoj će se osnovica primjenjivati. Osnovicu za obračun plaće Vijeće ministara Bosne i Hercegovine utvrđuje do 30. juna tekuće godine za narednu godinu.

(2) Podatke o visini prosječne netoplaće u Bosni i Hercegovini objavljuje Agencija za statistiku BiH.

(3) Ministarstvo finansija i trezora BiH primjenjuje osnovicu za obračun plaće u fazi pripreme budžeta za narednu fiskalnu godinu i dostavlja je institucijama Bosne i Hercegovine uz instrukcije za pripremu budžeta.

(4) Osnovica za obračun plaća primjenjuje se nakon usvajanja budžeta za tekuću fiskalnu godinu.

(5) Do usvajanja budžeta za tekuću fiskalnu godinu primjenjuje se osnovica iz prethodne fiskalne godine.

(6) Ako budžet za narednu fiskalnu godinu ne bude usvojen do 31. decembra tekuće godine, osnovica za obračun plaće utvrđena u skladu s odredbama stava (1) ovog člana primjenjivat će se tek od narednog mjeseca od dana usvajanja budžeta.

(3) Iznimno od odredaba stava (2) ovog člana, kada to zahtijevaju posebni uslovi vezani uz osiguranje pojedinih izabranih i imenovanih osoba, visina naknade za zakup objekata utvrđuje se posebnim ugovorom sa zakupodavcem.

(4) Vijeće ministara dužno je Parlamentarnoj skupštini Bosne i Hercegovine jednom godišnje dostaviti popis osoba koje uživaju prava iz stava (3) ovog člana.

3. Sudije i tužioci imaju **pravo na naknadu za odvojeni život pod uslovom i u visini** utvrđenoj podzakonskim aktom iz stava 2. ovog člana **za zaposlene u institucijama Bosne i Hercegovine.**

(7) Osnovicu za obračun plaća u diplomatsko-konzularnim i vojno-diplomatskim predstavništvima Bosne i Hercegovine utvrđuje Vijeće ministara jednom godišnje posebnom odlukom, na osnovu službenih podataka Ujedinjenih naroda, na prijedlog Ministarstva vanjskih poslova BiH i pribavljenog mišljenja Ministarstva finansija i trezora BiH. Primjena osnovice za obračun plaća u diplomatsko-konzularnim i vojno-diplomatskim predstavništvima Bosne i Hercegovine vrši se u skladu sa st. (2), (3), (4) i (5) ovog člana.

(7a) Izuzetno od člana 7. ovog Zakona, u periodu do 31.12.2009. godine, za obračun plaća budžetskih korisnika, i to za sva izabrana i imenovana lica, sve državne službenike, diplomatsko-konzularno i vojno-diplomatsko osoblje, imenovana profesionalna vojna lica, kao i imenovane policijske službenike u institucijama Bosne i Hercegovine koji imaju koeficijent veći od 4,00, koristiće se osnovica iz 2008. godine.

(7b) Izuzetno od člana 7. ovog Zakona, u periodu od 1.5.2012. do 31.12.2013. godine za obračun plaća zaposlenih koji imaju koeficijent 1,00 primjenjivat će se osnovica u visini od 498,10 KM.

**Naknada
za
ishranu
u toku
rada**

Član 32. Naknada za ishranu u toku rada

(1) Zaposlenom u institucijama BiH **pripada pravo na novčanu naknadu za ishranu u toku rada.**

(2) **Visinu naknade utvrđuje Vijeće ministara podzakonskim aktom¹²**, s tim da dnevni iznos naknade ne može biti veći od 2,35% osnovice za obračun plaća utvrđene u skladu sa članom 7. ovog Zakona.

/

Član 18.a Naknada za ishranu u toku rada

1. Sudije i tužioci, kao i stručno osoblje iz člana 17. ovog Zakona, **imaju pravo na:**

a) **Novčanu naknadu za ishranu u toku rada;**
....

2. Pravo na naknde iz stava 1. ovog člana sudije, tužioci i stručno osoblje iz člana 17. ovog Zakona ostvaruju **u skladu s odgovarajućim odredbama Zakona o plaćama i naknadama u institucijama Bosne i Hercegovine, kao i podzakonskim aktima donesenim na osnovu ovih odredbi.**

¹² **Odluka Vijeća ministara BiH o visini novčane naknade zaposlenim u institucijama Bosne i Hercegovine za ishranu tokom rada** ("Službeni glasnik", br. 42/12).

Član 2. (1) Zaposlenom pripada pravo na novčanu naknadu na ime ishrane tokom rada od 6,00 KM za svaki dan proveden na radu.

(2) Obračun naknade na ime ishrane tokom rada vrši se unazad mjesečno na osnovu evidencije o prisustvu, a isplata naknade uz isplatu plate za isti mjesec.

Član 3. Zaposlenom ne pripada pravo na novčanu naknadu na ime ishrane tokom rada za dane provedene na službenom putu, godišnjem odmoru i bilo kojem drugom odsustvu s rada koje zaposleni koristi u skladu sa zakonom.

Član 5. Za realizaciju ove Odluke zadužuju se institucije Bosne i Hercegovine i Ministarstvo finansija i trezora.

Član 6. Ova Odluka stupa na snagu danom stupanja na snagu Zakona o Budžetu institucija Bosne i Hercegovine i međunarodnih obaveza Bosne i Hercegovine za 2012. godinu i objavljuje se u "Službenom glasniku BiH", a primjenjivat će se od 01.05.2012. godine.

<p>Naknada za troškove prijevoza na posao i prijevoz s posla</p>	<p>Član 41. Naknada za prijevoz na posao i prijevoz sa posla</p> <p>(1) Zaposlenom u institucijama BiH pripada pravo na naknadu troškova prijevoza na posao i sa posla javnim prijevozom, ako u instituciji nije organizovan prijevoz.</p> <p>(2) Vijeće ministara će na prijedlog Ministarstva finansija i trezora BiH podzakonskim aktom detaljno urediti pravo na ostvarivanje naknada za prijevoz na posao i prijevoz sa posla u institucijama BiH.¹³</p>	<p>/</p>	<p>Član 18. a Naknada za ishranu u toku rada</p> <p>1. Sudije i tužioci, kao i stručno osoblje iz člana 17. ovog Zakona, imaju pravo na:</p> <p>...</p> <p>b) Naknadu troškova prijevoza na posao i prijevoza s posla.</p> <p>2. Pravo na naknade iz stava 1. ovog člana sudije, tužioci i stručno osoblje iz člana 17. ovog Zakona ostvaruju u skladu s odgovarajućim odredbama Zakona o plaćama i naknadama u institucijama</p>
---	--	----------	---

¹³ **Odluka Vijeća ministara BiH o visini, načinu i postupku ostvarivanja prava na naknadu za prijevoz na posao i prijevoz s posla u institucijama Bosne i Hercegovine** ("Službeni glasnik", br. 4/09, 58/09 i 6/12).

Član 1. Ovom Odlukom uređuje se ostvarivanje prava zaposlenih u institucijama Bosne i Hercegovine na naknadu za prijevoz na posao i prijevoz s posla, u skladu sa članom 41. Zakona o platama i naknadama u institucijama Bosne i Hercegovine i članom 50. stav 4. a) Zakona o radu u institucijama Bosne i Hercegovine.

Član 2. Pravo na naknadu troškova prijevoza na posao i prijevoza s posla zaposlenim u institucijama Bosne i Hercegovine ostvaruje se: a) Refundacijom stvarnih troškova prijevoza na posao i prijevoza s posla na osnovu mjesečnih karti prijevoznika, koje zaposleni dostavlja u skladu sa procedurom propisanom ovom Odlukom. b) Isplatom naknade troškova prijevoza na posao i prijevoza s posla u drugim slučajevima u skladu sa odredbama ove Odluke.

Član 3. (1) Zaposlenom u institucijama BiH čije je mjesto rada i prebivališta isto, a u istom je organiziran javni gradski prijevoz, pripada pravo na naknadu troškova gradskog prijevoza u visini mjesečne karte. (2) Zaposlenom čije je mjesto rada udaljeno do 80 kilometara od prebivališta pripada pravo na nabavku mjesečne karte ili refundaciju stvarnih troškova mjesečne karte, pod uslovom da dnevno putuje na relaciji mjesto rada - mjesto prebivališta. (3) Ukoliko registrirani prijevoznik na određenoj lokaciji ne izdaje mjesečnu kartu, ili je vozni red organiziran tako da zaposleni ne može u razumno vrijeme koristiti javni prijevoz za dolazak na posao i odlazak sa posla, te zaposleni zbog toga ne koristi pravo nabavke mjesečne karte ili refundacije stvarnih troškova mjesečne karte, pripada mu pravo na naknadu troškova prijevoza obračunatu na osnovu 70% vrijednosti pojedinačne karte na istoj relaciji. (4) Zaposlenom koji ne putuje dnevno od mjesta prebivališta do mjesta rada, kao i zaposlenom čije je mjesto rada udaljeno od mjesta prebivališta više od 80 km, pripada pravo na mjesečnu novčanu naknadu u visini osam pojedinačnih karti javnog prijevoznika za relaciju: mjesto rada zaposlenog - najbliža stanica mjestu prebivališta zaposlenog, koja je utvrđena linijskim prijevozom. (5) Zaposlenom čiji je rad organizovan u smjenama na način da za uredno izvršavanje poslova nije potreban svakodnevni dolazak na posao i odlazak s posla pripada pravo na naknadu troškova prijevoza za stvarni broj dolazaka na posao i odlazaka s posla, s tim što se visina naknade utvrđuje u skladu sa stavom (3) ovog člana. (6) Visina naknada utvrdit će se na temelju cjenovnika registriranih prijevoznika na konkretnim relacijama na kojima putuju zaposleni u institucijama Bosne i Hercegovine. (7) Ukoliko postoji razlika u cijeni ovlaštenih prijevoznika na istoj relaciji, institucija Bosne i Hercegovine će isplaćivati naknadu troškova prijevoza na posao i prijevoz s posla koju obračunava prijevoznik s najnižom cijenom prijevoza.

(8) Visina mjesečne naknade za prijevoz na posao i prijevoza s posla ne može biti veća od iznosa mjesečne naknade za troškove smještaja, utvrđene u skladu sa odgovarajućim odredbama Zakona o platama i naknadama u institucijama Bosne i Hercegovine.

Član 4. (1) Kako bi zaposleni ostvarili pravo na naknadu za prijevoz na posao i prijevoz s posla, dužni su priložiti zahtjev za naknadu troškova prijevoza prema obrascu čiji sadržaj utvrđuje Ministarstvo finansija i trezora. (2) Pravo na naknadu troškova prijevoza zaposleni iz člana 3. st. (2) i (3) može ostvariti prema mjestu boravišta, ukoliko privremeno boravi izvan mjesta prebivališta, s tim da naknada za prijevoz u tom slučaju ne može biti veća od naknade koju bi zaposleni ostvarivao prema mjestu prebivališta po tom osnovu. (3) Institucija Bosne i Hercegovine službenim putem osigurava podatke o cjenovniku prijevoza i podatke o voznom redu upitom kod registriranih prijevoznika. (4) Osnov za obračun naknade za prijevoz izvan područja gdje je organiziran gradski prijevoz je relacija: mjesto rada zaposlenog - najbliža stanica mjestu prebivališta zaposlenog, koja je utvrđena linijskim prijevozom. (5) Liste korisnika prava na naknadu za prijevoz na posao i prijevoz s posla su javne, a institucije Bosne i Hercegovine obavezne su objaviti ih na oglasnim pločama i vlastitim internet stranicama.

Član 5. (1) Osnovanost zahtjeva za naknadu troškova prijevoza na posao i prijevoza s posla utvrđuje se na osnovu podataka iz prijave o mjestu prebivališta prema službenim ličnim podacima iz evidencija koje službeno vode nadležne organizacione jedinice za pravne i kadrovske poslove u institucijama Bosne i Hercegovine i podataka o službenim tarifama gradskog i međugradskog prijevoza. (2) Dostavljanje neistinitih podataka ili neažuriranje podataka vezanih za ostvarivanje prava na naknadu prijevoza na posao i prijevoza s posla smatra se težom povredom radnih dužnosti i podliježe disciplinskoj i materijalnoj odgovornosti.

Član 6. Obračun i isplata naknada za troškove prijevoza na posao i prijevoza s posla zaposlenih u institucijama Bosne i Hercegovine vrši se mjesečno u tekućem mjesecu za prethodni mjesec na temelju evidencije o prisustvu na radu i isplata naknade vrši se uz isplatu plate za prethodni mjesec.

Član 7. (1) Zaposleni kojem pripada pravo na korištenje službenog ili privatnog automobila, utvrđeno u skladu sa članom 49. Zakona o plaćama i naknadama u institucijama Bosne i Hercegovine, ne može ostvariti pravo na naknadu troškova prijevoza na posao i prijevoza s posla u skladu sa čl. 2. i 3. ove Odluke, ukoliko koristi službeno vozilo za dolazak na posao i odlazak s posla. (2) Ukoliko je institucija organizirala prijevoz zaposlenih na posao i s posla, tada zaposlenima ne pripada pravo na naknadu troškova prijevoza na posao i prijevoza s posla u skladu sa čl. 2. i 3. ove Odluke. (3) Zaposlenom ne pripada pravo na novčanu naknadu na ime prijevoza na posao i prijevoza s posla za dane provedene na bolovanju, godišnjem odmoru ili bilo kom drugom odsustvu s rada koje koristi u skladu sa zakonom. (4) Zaposlenom čije je mjesto prebivališta udaljeno od mjesta rada do 2 km ne pripada pravo na naknadu troškova prijevoza za dolazak na posao i odlazak s posla.

Član 8. Za realizaciju ove Odluke zadužuju se institucije Bosne i Hercegovine i Ministarstvo finansija i trezora.